

Na osnovu člana 16. stav 4. Zakona o Vladi Zeničko-dobojskog kantona - Prečišćeni tekst („Službene novine Zeničko-dobojskog kantona“, broj: 7/10 i 3/23), na prijedlog Ministarstva finansija, Vlada Zeničko-dobojskog kantona, na 141. sjednici, održanoj 14.08.2026. godine, d o n o s i

Z A K L J U Č A K

I

Utvrđuje se Prijedlog Zakona o izmjenama i dopuni Zakona o izvršavanju Budžeta Zeničko-dobojskog kantona za 2026. godinu.

II

Zaključak sa Prijedlogom Zakona o izmjenama i dopuni Zakona o izvršavanju Budžeta Zeničko-dobojskog kantona za 2026. godinu, upućuje se u dalju skupštinsku proceduru po skraćenom postupku.

III

Zaključak stupa na snagu danom donošenja.

Broj: 02-_____/26
Datum, 14.08.2026. godine
Zenica

PREMIJER

Nezir Pivić

DOSTAVLJENO:

1x Ministarstvo finansija,
1x Stručna služba Skupštine,
1x a/a.

Na osnovu člana 37. stav 1. tačka f) i g) Ustava Zeničko-dobojskog kantona, Skupština Zeničko-dobojskog kantona, na ____sjednici, održanoj dana _____, donosi

Z A K O N
O IZMJENAMA I DOPUNI ZAKONA O IZVRŠAVANJU BUDŽETA
ZENIČKO-DOBOJSKOG KANTONA ZA 2026. GODINU

Član 1.

(Izmjena člana 9. Zakona)

U Zakonu o izvršavanju Budžeta Zeničko-dobojskog kantona za 2026. godinu ("Službene novine Zeničko-dobojskog kantona", broj: 24/25), u članu 9. stav (3) mijenja se i glasi:

"(3) Obaveze iz osnova tekućih oplata duga Zeničko-dobojskog kantona u 2026. godini po osnovu vanjskog i unutrašnjeg duga utvrđene Budžetom prema otplatnim planovima kreditora iznose ukupno 19.254.335,00 KM."

Član 2.

(Dopuna člana 39. Zakona)

U članu 39. stav (5), iza riječi: "Kapitalni transferi drugim nivoima vlasti – za zdravstvo", dodaju se riječi: „Nabavka zemljišta, šuma i višegodišnjih zasada", „Nabavka građevina“; „.

Član 3.

(Izmjene člana 44. Zakona)

(1) U članu 44. stav (2) riječi: "Pomoć pri rješavanju stambenog pitanja", zamjenjuju se riječima: „Transfer za podsticaj zapošljavanja branilaca i članova njihovih porodica".

(2) U članu 44. stav (3) se briše.

Član 4.

(Izmjena člana 51. Zakona)

U članu 51. stav (2) mijenja se i glasi:

"(2) Sredstva utvrđena u razdjelu 14, budžetska organizacija 01, potrošačka jedinica 0001 – Kantonalna uprava civilne zaštite – Pozicije: "Tekući transferi i drugi tekući rashodi – budžetska sredstva", "Nabavka stalnih sredstava u obliku prava – budžetska sredstva", "Rekonstrukcija i investiciono održavanje" – budžetska sredstva, "Nabavka opreme" – budžetska sredstva, "Kapitalni transferi drugim nivoima vlasti" – budžetska sredstva" i "Tekući transfer neprofitnim organizacijama - budžetska sredstva", koristit će se prema programima utroška, odnosno prema aktima koje donosi Vlada Kantona."

Član 5.

(Stupanje na snagu)

Zakon stupa na snagu narednog dana od dana objavljivanja u "Službenim novinama Zeničko-dobojskog kantona.

Broj:

Datum,

Z e n i c a

PREDSJEDAVAJUĆI

Ćazim Huskić

O B R A Z L O Ž E N J E

I USTAVNI OSNOV

Ustavni osnov za donošenje ovog zakona sadržan je u članu 37. stav 1. tačka f) i g) Ustava Zeničko-dobojskog kantona.

II RAZLOZI ZA DONOŠENJE

Zbog potrebe bližeg uređivanja načina izvršavanja Budžeta za tekuću fiskalnu godinu, u skladu sa članom 7. stav 2. Zakona o budžetima u Federaciji Bosne i Hercegovine („Službene novine Federacije Bosne i Hercegovine“, broj: 102/13, 9/14, 13/14, 8/15, 91/15, 102/15, 104/16, 5/18, 11/19, 99/19, 25a/22, 7/25 i 6/26), donosen je Zakon o izvršavanju Budžeta Zeničko-dobojskog kantona za 2026. godinu („Službene novine Zeničko-dobojskog kantona“, broj: 24/25), kojim je definisana struktura prihoda, primitaka, te rashoda i izdataka budžeta i njegovo izvršavanje, prava i obaveze korisnika budžetskih sredstava, ovlaštenja Vlade, Ministarstva finansija i ministra Ministarstva finansija u izvršavanju budžeta za tekuću godinu i ostala pitanja bitna za izvršenje Budžeta.

Ministarstvo finansija Zeničko-dobojskog kantona je u međuvremenu zbog ukazane potrebe pripremilo Prijedlog Izmjena i dopuna Budžeta Zeničko-dobojskog kantona za 2026. godinu.

S tim u vezi, radi izvršavanja Izmjena i dopuna Budžeta Zeničko-dobojskog kantona za 2026. godinu, bilo je potrebno izvršiti i adekvatne izmjene člana 9., 39., 44. i 51. Zakona o izvršavanju Budžeta Zeničko-dobojskog kantona za 2026. godinu („Službene novine Zeničko-dobojskog kantona“, broj: 24/25).

Imajući u vidu navedeno pripremljen je Prijedlog Zakona o izmjenama i dopuni Zakona o izvršavanju Budžeta Zeničko-dobojskog kantona za 2026. godinu.

U skladu sa članom 140. Poslovnika Skupštine Zeničko-dobojskog kantona – Četvrti prečišćeni tekst („Službene novine Zeničko-dobojskog kantona“, broj: 5/24, 8/25, 18/25 i 8/26), predlaže se upućivanje Prijedloga Zakona o izmjenama i dopuni Zakona o izvršavanju Budžeta Zeničko-dobojskog kantona za 2026. godinu u skupštinsku proceduru po skraćenom postupku, u formi prijedloga, s obzirom da se ne radi o obimnom i složenom propisu.